



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 02-164/23
Sarajevo, 16.02.2023. godine

KANTON SARAJEVO

16 -02- 2023

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničku inicijativu, dostavlja se.-

VEZA: Vaš akt broj: 01-04-2435-8/23 od 27.01.2023. godine

Poštovani,

Na Trećoj radnoj sjednici Skupštine Kantona Sarajevo, održanoj dana 27.01.2023. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnica Admela Hodžić, uputila je sljedeću zastupničku inicijativu:

„podnosim inicijativu Vladi Kantona Sarajevo da se u što kraćem vremenskom periodu izdvoje sredstva u iznosu od 200.000,00 KM za pomoć Općini Hadžići, koju je u proteklom periodu zadesilo veliko nevrijeme usljed čega su u kratkom vremenskom periodu bujične poplave nanijele znatnu materijalnu štetu lokalnom stanovništvu Tarčina a dijelom i Pazarića, te da se novčana sredstva usmjere za rekonstrukciju i sanaciju lokalnih potoka, potpornih zidova, putne infrastrukture kao i nastale materijalne štete građanima na privatnim posjedima“.

ODGOVOR:

Kantonalna uprava civilne zaštite Kantona Sarajevo (u daljnjem tekstu: Uprava) u skladu sa Programom razvoja zaštite i spašavanja ljudi i materijalnih dobara od prirodnih i drugih nesreća na području Kantona Sarajevo za period od 2021. do 2025. godine, kojeg je usvojila Skupština Kantona Sarajevo Odlukom broj: 01-04-16768/21 od 07.04.2021. godine, a koja je objavljena u „Službenim novinama Kantona Sarajevo“, broj: 15/21, svake godine u Planu korištenja sredstava posebne naknade za zaštitu od prirodnih i drugih nesreća, kojeg donosi Uprava uz pribavljeno mišljenje Štaba civilne zaštite Kantona Sarajevo, planira određeni iznos finansijska sredstva za sufinansiranje projekata preventivnih mjera zaštite od poplava i to projekata redovnog čišćenja i održavanja korita svih vodotoka (rijeka i potoka), kao i kanala za prihvati i odvođenje površinskih i podzemnih voda od nanosa, naplavina, drveća i drugog raznog rastinja, otpadnog materijala i sl.,

koje provode: Ministarstvo privrede Kantona Sarajevo, Grad Sarajevo, općine i Agencija za vodno područje rijeke Save. Da bi se stekli uslovi za sufinansiranje projekata prevencije od poplava od strane Uprave, neophodno je da navedeni organi (Ministarstvo privrede Kantona Sarajevo, Grad Sarajevo, općine i Agencija za vodno područje rijeke Save), za svaki izrađeni projekat osiguraju glavninu sredstava u svojim budžetima jer je to propisano tačkom V stav (2) podtačka 3) Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20), te da po dobijanju zahtjeva za sufinansiranje takvog projekta, uz pribavljeno mišljenje Štaba civilne zaštite Kantona Sarajevo, Vlada Kantona Sarajevo odobri Upravi da sufinansira taj projekat.

Dodjela pomoći općinama za otklanjanje šteta koje nastanu od prirodnih i drugih nesreća iz sredstava ostvarenih po osnovu posebne naknade za zaštitu od prirodnih i drugih nesreća koja pripadaju Kantonu Sarajevo (procedura i uslovi za podnošenja zahtjeva, postupak i način rješavanja zahtjeva i odlučivanja o dodjeli pomoći), vrši u skladu sa odredbama Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća („Službene novine Federacije BiH“, br. 60/06 i 8/10), Odluke o postupku i kriterijima za dodjelu jednokratne novčane pomoći općinama Kantona Sarajevo i drugim kantonima za otklanjanje šteta nastalih od prirodnih i drugih nesreća („Službene novine Kantona Sarajevo“, br. 10/11 i 40/22) i Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br. 75/04, 38/06, 52/09, 56/09 i 36/14). Uprava u skladu sa navedenim propisima, svaki zahtjev za otklanjanje šteta koje nastanu od prirodnih i drugih nesreća koji primi od općina, odmah prosljeđuje Kantonalnoj komisiji za procjenu šteta od prirodnih i drugih nesreća, koja isti razmatra i ako zahtjev ispunjava sve tražene uslove, navedena Komisija predlaže Štabu civilne zaštite Kantona Sarajevo da donese odluku o odobravanju jednokratne novčane pomoći općini za saniranje dijela šteta izazvanih prirodnom i drugom nesrećom. Napominjemo da je tačkom VII. Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća („Službene novine Federacije BiH“, br. 60/06 i 8/10) definisano da se zahtjev za dodjelu jednokratne novčane pomoći kantonu za hitne intervencije, podnosi onda kada je nadležno tijelo kantona (vlada kantona) proglasila nastanak određene prirodne ili druge nesreće na području kantona. Ukoliko dođe do situacije da kanton nije u mogućnosti svojim finansijskim sredstvima izvršiti finansiranje svih radnji na otklanjanju nastalih posljedica koje su neophodne za stvaranje osnovnih uslova za život i rad ljudi na ugroženom području, odnosno kada je potrebna pomoć iz sredstava Federacije, u tom slučaju vlada kantona, podnosi zahtjev Vladi Federacije za dodjelu te pomoći.

S poštovanjem,

Dostavljeno:

- Naslovu;
- a/a.

